

久遠父老感公留心民瘼礱石紉德請言於余昔蒙
吾郡鑿湖開河以興民利名德殊勳之祠至今瞻祀志稱
岳公旣其力無所引嫌今公私交竭而諸利並興豈不後
先輝映哉役用白金三百馬頭欄水尙冀設法余又聞給
諫開沙濬溪至出矢言公德意所孚令人心悅民世食德
不但一時頌也

縣志

修杭口隄

條頌明林俊

水曰高壩下而巨鄭渠鴻溝爲鹵而稻粱之固也然平
下洪園費殆不貲爲利肆在裕國弗廢莆水利木蘭
三易地而溪始馴二薄洋之南北而莆始沃壤

以海田利之漏卮成河戊寅秋七月大水隄之在杭
上遂決滙而川淪而淵溪奔於海而田溢於潮汝者之
淤耕者舟者偃病守馮君馴窮決隄案之發贖金聚徒囚
傭知水材林貴客守職其役君偕郡丞李侯紳令以應
龍身督之累石成陂畚土成山固其外以實其內又因隄
之羨與鄉之助役並杭之中豐海橋溝橋修之聯橋隄故
小潮則沒及是廣之增其高以出潮上橋若貫虹隄若游
龍水陸道俱便君子謂君仁且勇役民之恃也二庠羅博
士仁偕諸文學請立石頌功德頌曰粵歲水祖奔流爲懸
有決其防倏然成川若鴻陂罪藥汝受其耗人怨湯汝託

以神告上元隄敗爲民受專先事後聞邑用有年公心於
民是訓是飭畚插如雲急不以日餘工二梁遠邇畢利歲
豐人和維守之賜維守之賜亦吾之績我作頌詩昭示無極正德
十四年六月旣望陂集

修北洋馮公隄記 廖必琦

水蘭陂北里許厥各杭口當溪流衝洪水隄圯水趨於海
明正德戊寅郡守馮公踰月底成迄今有馮公隄之稱我
朝乾隆五年重修復圯乙亥春二月太守宮公兆麟邑侯汪公
大經到隄相度余舉貢生程人鳳李泌董役二月三日興
作四月報竣乃作歌曰陂水東注溪與海通長隄斯築坑

口垂虹圮者復固卑者復崇前馮後宮異代同風汪侯襄贊厥有成功木蘭旣澤永慶年豐縣志

重修濠塘泄記 宋鄭寅

莆田濱海廣斥昔人陂雙溪以灌烏鹵田之號南北洋者遂爲沃壤經營之初有隄有港有塘有溝有圳有泄因天時與地形以縱閉其慮周矣惟以北視南則其水之源近土之勢卑人力之儲備亦所未及故護察宜謹若其謂之泄者本以殺水議者謂啟塞易滯高下迭妨不若斗門之迅於是五斗門先後而作凡昔之泄往往障而不宣矣濠塘泄又其要會此隄之所繇改作也嘉定壬申歲泄口爲

水所激越四年秋潦暴至一夕盡決一紀之間糜公私錢
五百萬三興大役將成輒壞去海半里許潮汐漸激滙而
爲淵其穴之廣二十倍於舊田多墊齧數十里之水走下
莫之禦往時有所作治率耕者計畝出錢有田者不與至
再至三民力竭矣公帑亦耗未知所以爲策先是郡人太
守寺丞陳公宓嘗發諸儲佐之惜乎中輟博采衆說盡得
其是非利病又以所辭俸錢八十餘萬欲更爲之郡通守
陳公振孫議合慮事程功增其費之半推浮屠氏有智計
者僦任其役募得工人善其事者損益未盡之規掘地加
深大木千章縱橫偃植基實而根固防峻而流絕經始實

慶三年八月癸酉告成十一月甲子其長二百餘尺其崇四十尺其厚百有二十尺上殺三分之二甃石通路居五之一隱然隆然害除利興歡頌萬口願有以記之

宏治府志

新修三步泄記 宋劉克莊

瀕海之田依隄爲固名曰長圍昔人於圍內疏塘以漑而北洋凡十塘焉塘皆有泄以嚴縱閉曰三步塘者距海僅三步地勢庳薄脫遇霖雨外潮內潦隄潰泄墮自嘉定辛巳至嘉定庚寅官敷民錢亟築亟壞卒如又壞大守溫陵曾公用虎嘆曰民之財有限水之患無窮長圍千餘丈可使有罅缺乎上腴數百畝可使化烏鹵乎於是判官趙汝

洪奉檄修廢浮屠宗魚宗超被選董役用椿杙大小二千
四百五十竹落一千二百三十四草千擔夫千人竹木草
皆依市估夫皆支僦直錢皆出公帑而民不知事一毫錢
一孔皆咨於元僚付之兩衲而吏不預明年孟春告成長
二百六十尺深三十餘尺噫公之力勤矣而塘民曰未也
內基雖固外捍不密久將復圯請累石爲二馬頭以禦潮
又曰它塘率有贍租而此獨無公立行其說築馬頭擇守
僧且取田於廢庵以贍焉凡泄之費若干緡馬頭之費若
干緡庵之租若干斛塘民德公之賜相告語曰今之牧守
二年而去處二年之暫慮百世之遠難也不敷種於農難

也不誅費於僧又難也昔鄴中渠成邑思西門鴻隙陂壞
郡怨方進然則便民之與病民也興利之與遺患也非特
有智無智之異亦仁與不仁之判歟夫智敏而易效仁久
而見思敏而易效能吏之事也久而見思循吏之事也公
治郡有異績如甃其城大修水利余所記特三步泄一事

云後村居士集甯
波天一閣藏本

陳壩斗門記 宋傅淇

莆介山海間土陋而少易地惟南北二洋爲廣衍民食公
賦居郡之十五北洋始吳興公埤海爲田頃以萬計大溪
東來醴爲漑渠紆餘其中霖潦暴集弗疏濬則有浸淫之

害衆流下屬弗湍積則失灌溉之利風濤往來衝齧之足以變易土性昔人爲溝爲泄又爲斗門隄防有法閉縱有時水旱不能爲沴農甚便之斗門有三曰蘆浦曰慈壽曰陳壩陳壩獨當要衝上受衆流而下泄之海微是則蘆浦慈壽曾不足憑恃潘侯嘗經理之歲久寢墜工費繁重議者難之今趙侯以元元之命在是詢耆老度地勢思前人之未至審舊址之易危上下截流履實而裁基別爲斗門三閒糜金錢餘四百萬請於常平司得四之一復撙節他費以足其用均於民者特舊之半又擇豐產與夫浮屠之幹勤董其役而官不與經始紹興初元之良月迄功二月

之上春堅固壯厚若埏埴然止而清波雲屯決而奔流箭駛以是而輔天時地利之不逮遠哉其爲利乎

宏治府志

重脩陳壩斗門記

明錢習禮廬陵人翰林院學士

莆田興化望縣界泉福閒東南岸海其民埤海爲田頃以萬計而資溪流灌溉宋淳熙初知軍事潘時瓚石於溪兩岸闕其中扃以巨板眎水大小時其啟閉而蓄泄之使得備旱溢謂之斗門而斗門凡幾陳壩獨當衆流所委址非善地致圯壞紹興間趙彥勵徙置舊址北歲久亦頽前令無意修復正統辛酉安成劉君玘以進士宰是邑始至進父老於庭問民務所先咸以病告躬往按視謂役不可緩

乃乘農隙慮財計工覈田畝俾輸粟稽丁力均以事伐石
傭匠揆日之吉撤而新之簡父老之諳繕治衆所服從者
眡其役時往程督工匠而勸相之始事是年冬十有一月
訖功明年春二月以日計之凡一百有七完整堅壯過於
舊溉田四百六十七頃有奇民之有識者爭相告曰一時
之勞千載之利不可無紀合致書翰林修撰林君恆簡屬
記於余余惟士之宰其土而牧其民捍患興利凡可以惠
安之者盡心力而爲之豈爲過哉夫何不恤民隱謂非吾
久處之地苟且歲月至至廬敝壞而不復理况肯留心民
事哉劉君一念卹民因前人可繼之績遺後世無窮之利

可謂知爲政先務矣爲記刻石俾有所勸示云

正統八年八月西湖

碑記

新港斗門記 元柯舉

莆陽方二百里郡居其中其平如掌西南有溪沂源仙遊永春德化入於海田在南北謂之南北洋南洋舊有六塘灌溉多不及宋初錢李於溪源之來木蘭山之下築陂瀦水滙於南洋夷塘而田焉然水勢不相續年歉自若元皇慶壬子春同慶部公朶兒柏臺來守莆興利除害百廢具舉越三年甲寅夏秋之間旱北洋田槁城內外井亦竭公親詣木蘭陂喟然嘆曰李侯之功美矣而惠未徧也乃因

地浚渠引木蘭水委蛇抵城下以灌乙卯春復於涵江
港截海道築水泄旁會游洋太平陂等水以溉望江等里
阜山抵海田通水由仙遊莆田而之涵江余埔二百餘里
源遠流長農無旱憂舟楫往來皆沾其利城市貿易物價
頗平工未竟以秩滿歸明年秋水溢新港泄潰公居閑於
閩之岳山聞而患之丁巳秋漕閩海委上里場官周文郁
張果易水泄爲斗門始事丁巳之臘告成戊午之春隄岸
之未備橋宇之未完新場官高克明趙榮祖與史施杰實
成之昔范文正公爲鹽官築海隄青史以爲美談今公前
守莆陽疏通水利及持漕節猶憂民憂莆民何以得此哉

舉插成雲決渠爲雨長我黍黍衣食億萬之口公之功視
彼有加異曰太史當不一書茲特紀其歲月云

宏治
府志

修涵江水心河記

明方熙

涵江之干曰水心有河焉漑蘇劉埭田又地烏鹵漑飲者
負甕甕取是水古有之宋國子祭酒劉公政疏之元以來
塞於泥稍旱田無所仰飲者遠殆二三里進士安成劉侯
批爲令民具以告憮然曰吾責也計徒庸經理之擇民之
智能者董其事先築二堰以禦潮乃次其功民樂趨事越
月工具水仍故道且漑且飲河之廣爲尺一十有八深一
尋通沙坂抵端平卒事衆來求記予惟水利急務也老子

曰水善利萬物爲治而不務是非善治也河創於古脩於
宋而廢於元雖氣化之適然亦人事之使然侯修人事而
全氣化左傳臺駘能業其官宣汾北封諸汾川侯善政多
矣於是尤勤勤其進可涯也耶旣記其事系以詩曰河之
源兮迤邐河之流兮溶溶昔之塞今之通侯之澤兮無窮

宏治
府志

涵江慈壽陡門記

明陳道潛

莆之爲郡介山海間潮水至木蘭陂而止水源有二分南
北二洋一自永春仙遊來者漑南洋田其源差遠水勢稍
緩一自駟華延壽溪出者漑北洋田迫於西山之近一夕

驟雨則泛濫彌漫故多設陡門洩之若涵江慈壽其一也
年久石傾隄圯潮汐浸入歲時旱澇蓄泄之方俱廢三農
病焉宣德五年冬邑侯葉公以水利爲重乃屬囊山僧連
城父老黃得賓董其事民懽赴之相與出穀若干石傭匠
剔石至底石灰以固其址然後鱗次櫛比累石而起庚戌
冬十一月日興工辛亥年二月日告成深一十一尺廣於
深又加七尺五寸長於廣又倍焉中爲涵閘二間每間六
尺六寸土石堅緻爲禦災備按郡志慈壽陡門宋蔡君謨
創之更百四十載知軍趙彥勵重造之迄今二百餘載而
葉侯又新之夫物久必壞而起廢則存乎人昔周單子聘

楚適陳見其道穢川澤不陂梁知其必亡蓋道路水利三代爲政之法周官尤謹古循良吏在所先焉豈不以政有宜於民者不過便於一時而水利之興惠及久遠葉侯蒞莆先修道塗濬溝渠新城隍廟今迺飭縣脩舊廢俱新治民事神而後及於所居可謂知爲政先後矣侯湖之歸安

人也名叔文

洪園編批
齋存稿

癸復五塘劄子 宋蔡襄

臣昨至興化軍訪問得莆田縣有陂塘五所勝壽西衝太和屯前東塘自來積水灌注塘下沿海鹹地一千餘頃爲田約八千餘家耕種爲業大中祥符年中百姓陳清等陳